

Visoki predstavnik: “BiH treba pokazati novu ozbiljnost u vezi sa sigurnosnim pitanjima”

Visoki predstavnik Paddy Ashdown je danas poslao pismo predsjedavajućem Vijeća ministara gospodinu Adnanu Terziću, apelirajući da Vijeće ministara, bez odlaganja, stavi u parlamentarnu proceduru Nacrt zakona o obavještajno-sigurnosnoj agenciji.

Prošlo je više od dva mjeseca od kada je Komisija za reformu obavještajnog sektora, predvođena mađarskim stručnjakom iz ove oblasti gospodinom Kalmanom Kocsisem, predočila nacrt zakona Vijeću ministara. Depolitizirana agencija pod demokratskom parlamentarnom kontrolom trebala bi početi sa radom 1. januara 2004. godine, ali zbog politički vođenih izmjena i dopuna Zakona, Bosna i Hercegovina ne može pokazati spremnost da se priključi Evropi u borbi protiv međunarodnog terorizma, organizovanog kriminala i trgovine ljudima.

Visoki predstavnik vjeruje da sigurnost mora biti glavna tačka na dnevnom redu BiH. BiH mora pokazati novu ozbiljnost u vezi sigurnosnih pitanja, i prvi test te nove ozbiljnosti je Zakon o obavještajno-sigurnosnoj agenciji. Visoki predstavnik je rekao gospodinu Terziću “da ako Vijeće ministara ne može proslijediti Zakon parlamentu do 15. decembra, to će biti zabrinjavajuća poruka o radu Vijeća ministara i njihove spremnosti da se ozbiljno pozabave sigurnošću države”. Već se dovoljno odugovlačilo, te dalja odlaganja mogu podrivati u sigurnost ove zemlje, kao i njenu međunarodnu reputaciju da uzima za ozbiljno pitanje državne sigurnosti.

Svako dalje odgađanje će ozbiljno ugroziti naše šanse da imamo

novu službu u potpunosti operativnu na početku Nove godine. "Takav neuspjeh bi služio kao potvrda međunarodnoj zajednici da BiH nema institucionalnih kapaciteta za euro-atlantske integracije niti za borbu protiv terorizma,"navedeno je u pismu visokog predstavnika.

U pismu premijeru Terziću, visoki predstavnik je pozvao na uspostavljanje male *ad hoc* radne grupe za reformu obavještajnih službi. Tom radnom grupom bi mogla imati jednog predsjedavajućeg i dva člana koji bi radili zajedno sa međunarodnom zajednicom na pripremi uspostavljanja Agencije. Sa usvajanjem Zakona, članovi mogu biti imenovani na ključne pozicije u Agenciji, što bi obezbjedilo kontinuitet u reformi obavještajnih službi, te dozvolilo Vijeću ministara da održava neophodnim institucionalni uređaj kako bi nadgledali provedbu ove kompleksne reforme.